

Ի հետխոսու ուղեորէր .

Եւ ի Ս. Քաղաքն հասանէր :

Զտնօրինականսն տեսանէր .

Անդ ուր փրկչին ներգործեալ էր .

Խընդայր հոգւովն և բերկրէր ,

Մարմնովն յերկնի գոլ համարէր :

Յընծայր քաղաքն և զարդարէր .

Զհայրապետ սուրբ ընդունէր .» (Բազմ. 1873 էջ 268) :

Վկայասէր վախճանեցաւ 1105ին և թաղուեցաւ Քէսուռնի Կարմիր վանքը . իր արժանիքին մասին բաւական է յիշել միայն ներսէս Շնորհալիին թանկ չափաւ քերթուած ին հետեւեալ կտորը . «Երկրորդ Մեսրոպ մեզ երևեալ . զգիրս բազումս թարգմանեալ . առ ի Յունաց և յԱսորոց . ճառս սրբոց վերաբերեալ» (էջ 546) :

ԳՐԻԳՈՐ (ՄՀՏ.) ԿՈՍՏԱՆԴՆԱՆ , ԶՄԻՒՌՆԻԱՅԻ .— Աշկ . Վառնադեցի Միրզայեան Յովհան քհն . 1857ին ուխտաւորութեամբ կ'այցելէ Ս . Յակոբի վանքը : Իր տիկնոջ Հռիփսիմէի ծախքով կը կառուցուի Զմիւռնիոյ աղջիկներու վարժարանը , որ 1849ին այրած էր . և կը կոչուի Հռիփսիմեան վարժարան : Մհտ . Գրիգոր վախճանած է 1891ին Զմիւռնիոյ մէջ : Մջ . թ . 171 , տաղաչափեալ գրուածքը Կոստանդնուսինն է , որով առ կը խնդրէ Վանանդեցի քհն . որպէս զի յօրինէ Հայոց Պատմութիւն մը :

ԳՐԻԳՈՐ , (ՄՀՏ.) ԽԱԶՈ , ՄԱՆՈՒՇԱԿ ԵՒ (ՄՀՏ.) ՅԱՐՈՒԹԻՒՆ ՄԵՐԱՏՈՒՐԵԱՆՅ , ԲԻՆԿԵԱՆՅԻ .— 1758ին , Ս . Յակոբի վանքին կը յիշատակեն արծաթեայ կանթեղ մը (Յուց . Պ .)

ԳՐԻԳՈՐ ՄԱՐԳԱՐԵԱՆ , ՊՈԼՍԵՅԻ .— (1859-1922) . 1912ին ուխտաւորութեամբ կ'այցելէ Ս . Յակոբի վանքը իր եղբոր՝ Սիմէոնի (1852-1916) և քրոջը Օր . Նեկտարի հետ (1845-1916) : Ասոնց մահուանէն յետոյ՝ Գրիգոր Ս . Յակոբի վանքին կը կըտակէ 1157 եգիպտ . ոսկիի գումար մը . կը վախճանի 13 նոյեմբեր 1922ին և կը թաղուի Սիոնի գերեզմանատան իր ընտանեկան դամբարանին մէջ : Իր գոյքերը , ըստ կտակի կը յանձնուին վանքին (Արմնգր . Տն . Ժողովի նիստ ձժՁ . 15 Նոյ . 1922) : Հանգուցելոյն կտակած գումարը կը յատկացուի 26 Ապր . 1928ին վանքին մէջ նորոգ կառուցուած Ազգ . երկսեռ նախակրթարանին և մանկապարտէզին , մասնաւոր յիշատակարանով մը :